

Hangh Yinvu Gvanghyungz Ndeu

一项光荣的任务

武鸣县仙湖镇中桥小学六(1)班 潘洪宇

Daj “Lajmbanj Cinghseuq, Vujmingz Gyaunde” hozdung haiguh doxdaeuj, lajmbanj fatseng bienqvaq gig hung. Aen hagdangz raeuz hix mbouj laehvaih, yienghsienq moqsaksak. Vih dawz gunghcoz guh ndaej engq ndei, yozyau laebbaenz aen “hungzlingjinh genhduz siujcuj” ndeu, cujyau fucwz genjcaz gij hingzveiz gveihfan gyoengq doengzhag. Lingjdauj faen raeuz baenz haj aen siujcuj, moix aen cuj haj boux cwnzyenz, gou dwg cujjangj cuj daihngaih. Gou rox, lingjdauj dawz aen yinvu neix gyau hawj raeuz, dwg saenq raeuz, lienh bonjsaeh guenlleix raeuz. Ciep ndaej aen yinvu neix, gou roxnyinh gig gvanghyungz. Gou amq roengz gietsim: Mboujguenj bungz gijmaz gunnanz, itdingh dawz gunghcoz guh ndei!

Aenvih raeuz dwg cuj daihngaih, ndigah baeznaengz singhiz ngeih raeuz couh cizbanh. Banhaet, raeuz cungj yaek beij bouxwnq hwnq vaiq, caeuz di daeuj yozyau. Daeuj daengz yozyau, raeuz couh daiq ndei biuhci, dawz dwnghgibiuj, ndwn youq gwnz roen rog yau cizyiz. Seizneix, raeuz couh lumj gyauhgingj youq gwnz goengloh cizginz ityiengh, naj daiq riunyumj yawj gyoengq doengzhag caeuj lauxsae daeuj yozyau. Raeuz nyinhcaen

cazyawj, yawjraen miz doengzhag luenh gven nyapnyaj roxnaeuz daenj haizdaz daeuj yau, raeuz cungj geiq roengzdaeuj. Linghvaih raeuz lij genjcaz cinghgez cwzyingih ndaw yau caeuj gyausiz veiswngh. Banringz cuengqhag, raeuz youq gwnz cauhsangz cizyiz, genjcaz gyoengq doengzhag baizdui bae lingx yingzyangicanh cingzgvang. Banringz dauqma yozyau caeuj cuengqhag caeuz, raeuz ciuqciengz lumj banhaet ityiengh cizbanh genjcaz, doeklaeng dawz dwnghgibiuj cinglleix ndei gyau hawj cizcouhyenz cij suenq vanzcwnz yinvu. Yienghneix cizcouhyenz couh baengzgaug gij biuj neix guh cungigez, ndei couh haenh, mbouj ndei couh gaeu faen ndaw ban, lij bihbingz, gyauyuz.

Ginggvaq bi lai roengzrengz, gij hingzveiz gyoengq doengzhag engq gveihfan lo. Yawj gij saek naj doengzhag, dingq gij vahhaenh lauxsae, gou rox, gij yinvu raeuz guh ndaej ndei lo. Mbouj guenj fwn geijlai hung, ndit geijlai haenq, raeuz ngoenzngoenz genhiz. Hangh yinvu neix yienznaeuz sinhoj, hoeng raeuz roxnyinh gig gvanghyungz. Vih yozyau engq gyaunde, ranzmbanj engq cinghseuq, caiq haemz caiq hoj hix dij lo.

(指导老师:潘文清)



Gij Riu Daxmeh

妈妈的微笑



Hwnj dangz yijvwnz seiz, lauxsae youq ndaw ban naeuz bien faenzcieng gou ndaej fatbiuj lo, lij dawz bonj cazci daeng bien faenzcieng gou haenx daeuj hawj gou. Gig mbouj yungzheih ngaiz daengz cuengqhag, gou gaem bonj cazci angqfaengfaeng buet ma ranz. Baez haeuj dou, gou lienz daehsaw cungj mbouj cuengq roengz, cigciep cung haeuj ranzsaeuq bae. Daxmeh daengx gij hong ndaw fwngz, doeksaet dwk yawj gou. Gou sikhaek dawz bonj cazci ndenq daengz dangqnaej daxmeh, dajhai le vix diuz coh gou hawj de yawj, gwnz naj daxmeh sawqmwh riunyumj faengfaeng, gij riu haenx hawj gou vuenyungz dangqmaz.

Ngoenz he banringz gvaq, gij ndit henjgim ciuq gwnz dingj gyaulyozlaeuz, yawj bae ronghsagsag, hoeng sim gou naekgywgywg. “Baenzlawz guh ne? Yijvwnz ngamq gauj ndaej 89 faen.” Yawj mbaw gienj geiz sat gaujsi, gou doeknaiq yaek dai, neix dwg gou baez daih’it gauj baenz ca.

“Baujboiq, gauj ndaej baenzlawz yiengh?” Ngamq yamq haeuj bakdou ranz, daxmeh couh gvensim dwk cam. Gou ngaem gyauej dwk, gazdwddwd naeuz: “Ngamq…… ngamq gauj ndaej 89……” Gou lumj nyaenj yazgauh neix, cengqgengz caenx gij vah mbouj baenz coenz neix okdaeuj. Gou laihnaeuz daxmeh rox ndaq gou can ndeu, mbouj siengj daengz daxmeh dauq riu lo.

“Baujboiq ha, mbouj youqgaenj law.” Daxmeh doq riu doq naeuz, “baez neix gauj mbouj ndei, lij miz baez laeng, ngoenzlaeng gij gaujsi lij lai ne.” “W, baezlaeng gou itdingh gauj ndei.” Gou giendingh dwk naeuz, “hoeng, daxmeh, mwngz vih maz mbouj gvaiq gou ne?” “Gvaiq mwngz miz yungh lwi? Cingzci dwg aeu roengzrengz cij ndaej daeuj, daxmeh siengsaenq mwngz cijaeu roengzrengz di he, couh gauj ndaej ndei, gyayouz bw!” Daxmeh lij riu yienghgauq, gij riu haenx lumj rumzcin nei raeujrubrub……

Gij riu daxmeh youq ndaw sim gou ciengxlwenx dwg duj va he, duj va ceiq gyaunde he.

(roek nienzgaep Vuz Yezfanz)

Mbwn nit raixcaix, hek haeuj diemq gwn haeux ndoet laeuj noix haujlai lo, laujbanj ngeix mbouj ok gijmaz banhfaep ndei daeuj sawj aen diemq seng’eiq hoengh hwnjdaeuj.

Doek nae lo.

Haetcaeux, masaeceij nduek bouxcawj iq ndiu lo.

Baez hai dou nae nanwtwt hausaksak, daengngoenz hoengzfetfet, ndit gyojgyatgyat.

Bouxcawj iq caeuj gyoengq lwgnyez doih vax nae daeuj hoenx-ciengq, doi vunznae, masaeceij bang bouxcawj iq maranz gamz aen lwgbaeg nding daeuj cap guh aen ndaeng vunznae, vunznae sikhaek lumjlili gyaunde hwnjdaeuj. Laujbanj raen le hix youq najdou swheij doi duz saeceij nae hung ndeu.

Lwgnyez dawz mauh hoengz hawj vunznae daenj, dawz daengloengz hoengzfetfet caeuj bauqrangh cug gwnz bien bae, cap youq ndaw fwngz vunznae bae. Yienghneix nding caeuj hau dox ingj yienhyanyan, gyauegywt-gywt, lij yienj ndaej angqvauvau. Laujbanj yawjraen le, sim baez doengh, dawz aen diemq gaij baenz diemq hojgoh, youq naj dou diemq venj hwnj baiz daengloengz moqyatyat ndeu, diemj bauq raezrangrang daeuj

goj lwgnyez

Saeceij Nae Caeuq Masaeceij

雪狮子和狮子狗



angqhoh, yiengj bibi baba.

Vunzhek yied daeuj yied lai, aen diemq hojgoh seng’eiq hoengghwd-hwd lo.

Vunz bae vunz dauq, yawj raen duz saeceij nae cungj haenh: “Duz saeceij neix geijlai gyaunde ha!” “Duz saeceij neix geijlai vifung ha!” Laujbanj daengq yenzgungh naeuz: “Duz saeceij neix caen dwg duz fuk

ndeu, itdingh aeu hen ndei, miz de seng’eiq couh ndei lo!” Duz saeceij nae dingq le gig ndaenggon.

Haet neix, bouxcawj iq daiq masaeceij caeuj bouxhung daeuj gwn hojgoh. Masaeceij riengjret gaen dwk bouxcawj buet gvaq henz ndang saeceij nae, daengz bakdou, bouxcawj iq lij umj masaeceij hwnjdaeuj byaij haeuj ndaw diemq bae.

Duz saeceij nae yawj mbouj gvenq, ndaw sim gag hoed: “Hw, begbeg maj ndaej yiengh lumj saeceij, cij rox guhmbenj, baenzlawz miz di yungh ndeu!”

Bouxcawj gwn hojgoh, ndek di ndok hawj masaeceij. Masaeceij gamz ndaek ndok ndeu ok rog daeuj guhcaemz. Saeceij nae liuq da he le naeuz: “Hw, caen dwg miz gijmaz bonjsaeh couh ndaej gwn gijmaz doxgaiq! Duz yaez cij ndaej gwn ndok

lw!”

Masaeceij doeksaetyat, han naeuz: “Bouxcawj gwn noh, gou heuj raeu gwn ndok, miz maz geizgvaiq?”

“Mwngz cij dwg duz ma iqetet ndeu, mbouj dwg duz saeceij ndeu, lij gamj cang lumj gij yienghceij saeceij dou!”

Masaeceij najhoengz lo, naeuz: “Gou yienzbonj couh maj baenz yienghneix, mbouj dwg cangbaenz.”

“Dawz gij bwn mwngz raed liux bae, mbouj hawj mwngz lumj yiengh dou!”

Masaeceij mbouj fugheiq, naeuz: “Gou bonjlaiz couh maj yienghneix, vihmaz mbouj ndaej lumj yiengh swheij ne?”

“Mwngz miz gijmaz bonjsaeh gijmaz swghwz lumj saeceij? Duzma couh dwg duzma, lij heuhguh ‘masaeceij’? Mbouj ndaej heuhguh ‘masaeceij’!”

Masaeceij raen saeceij nae akbaq lai, swt cix mbouj caiq swt de.

Daengngoenz yied benz yied sang, ndit yied daeuj yied raeuj, saeceij nae hanh lae han roenx, ciemhciemh yungz lo. Daengz seizneix, de cij rox, swheij mbouj dwg saeceij caen.

(甘说文)